



Akissarsiat pillugit politikki

Akuerineqartoq ull. 18. juni 2024

1. Tunuliaqutaq siunertarlu

KNI A/S-ip periusissiaanut naleqartitaanullu akissarsianut politikki tunngavissiisaaq qullersaqarfimmilu atorfillit siulersuisullu Inuussutissarsiornermut Ingerlatseqatigiiffinnullu Aqutsisoqarfimmilu nalunaarsugaasut akissarsiassaasa atorfinititsitaanermilu atugassarititatigut tunngavissaat aalajangersassallugit siunertalaralugu.

KNI-mi sulisut qanorluunniit suaassuseqaraluarunik assigiimmik suliallit, imaluunniit suliat taamaaqataannik isagineqarsinnaasunik suliallit, assigiimmik akissarsiaqartinneqarnissaat akissarsiat pillugit politikkip tunngavilissavaa. Akissarsiat assigiinngissappata tamanna tunngavilorsorluarneqassaaq kinaassusersiorneqartaqassananilu.

Ingerlatseqatigiiffinni pisortanit pigineqartuni akissarsianut politikki pillugu piginnittup pingaarnertut najoqqutassai KNI A/S-ip eqquutsippai, qullersaqarfimmilu atorfilinnut siulersuisunullu akissarsiat pillugit KNI A/S pisortanit pigineqartutut ammasuunissaminik immikkut pisussaaffeqarpoq.

Siulersuisut qullersaqarfimmilu atorfillit sulisoriinnarumallugit piukkunnaateqartullu atorfininnissaannut kajungilersikkumallugit KNI unammillersinnaasunik akissarsiaqartitsinissaminik kissaateqarpoq. Pisortat suliffeqarfiutaanni namminersortumi pissutsit atuuttut matuman eqqarsaatigineqassapput.

2. Aaqqissuussaaneq, akisussaaffik akuersissuteqartarnerlu

KNI A/S-ip qullersaqarfiani atorfilinnut siulersuisunullu akissarsiatigut atorfinititsitaanermilu atugassarititatigut sinaakkutissat akissarsianut politikkimi aalajangersarneqarput.

Akissarsiat pillugit politikkip suliarinissaanut iluarsiissuteqarfiginissaanullu siulersuisut ikiussallugit Akissarsianut ataatsimiititaliap suliassaraa. Akissarsiat pillugit ataatsimiititaliap akissarsiat pillugit politikki ukiumut ikinnerpaamik ataasiarluni misissortassavaa.

Akissarsiat pillugit politikkip iluarsiiffigineqarnissaa Akissarsianut ataatsimiititaliap pisariaqartutut nalilerpagu, siulersuisunit oqaluuserisassanngorlugu akuerisassanngorlugulu akissarsiat pillugit ataatsimiititaliaq innersuussissaq. Siulersuisut innersuussut akuersissutigippassuk, akissarsiat pillugit politikki iluarsisaq, siulersuisut juunimi ataatsimiinnerini oqaluuserisassanngorlugu akuerineqartussanngorlugulu saqqummiunneqassaaq.

3. Politikkip allaatigineqarnera

3.1. Siulersuisunut akissarsiaqartitsisarnermi tunngaviit

Piginnituusup akissarsianut pingaarnertut politikkianut naapertuutumik siulersuisut aalajangersimasumik akissarsiaqartillugit akissarsititsisoqartarpooq. Akissarsiat amerlassusaat ataatsimeersuarnermi akuersissutigineqartarput, ukiumoortumillu nalunaarusiam paasissutissiissutigineqarlutik. Naalakkersuisut Namminersorlutik Oqartussat aktiaateqarluni ingerlatseqatigiiffiutaanni akissarsiaqartitsisarnermut politikkiat pillugu kaajallaasitaq ulloq 9. maj

2024-meersoq KNI-p eqquutsippaa. Akissarsiat qaammatit pingasukkaarlugit kingumoortumik akilerneqartarput. Ingerlatseqatigiiffiup siulersuisuini ilaasortat siulersuisuni sulinerminnut atatillugu angalanerinut, akunninnerinut, attaveqarnermut allanullu aningaasartuutaat suliffeqarfip akilertarpai.

3.2. Ataatsimiitaliap akissarsisinneqartarneranut tunngaviit

Siulersuisut suliassaannik piareersaataasumik suliaqartussamik siulersuisut ataatsimiitaliamik pilersitsisinhaapput. Siulersuisut pilersitaannut ataatsimiitaliami ilaasortaagaanni akissarsiassatut siulersuisut aalajangersagaat naapertorlugu siulersuisunut ilaasortat akissarsitinneqartassapput.

Naalakkersuisut Namminersorlutik Oqartussat aktiaateqarluni ingerlatseqatigiiffiutaanni akissarsiaqartitsisarnermut politikkiat pillugu kaajallaasitaq ulloq 9. maj 2024-meersoq tunngavigalugu Namminersorlutik Oqartussat aktiaateqarluni ingerlatseqatigiiffiutaanni siulersuisuni ilaasortanut akissarsiat aalajangersimasut saniatigut KNI A/S allanik akissarsiaqartitsisinhaanngilaq.

Naalakkersuisulli akissarsiaqartitsinermut kaajallaasitaat naapertorlugu siulersuisunut ilaasortat ataatsimiitalianut ilaasortaanerinut akissarsiaqartinneqarsinhaapput.

3.3. Qullersaqarfip akissarsiaqartinneqarneranut tunngaviit

Qullersaqarfik aalajangersimasumik akissarsitinneqartarpoq, soraarnerussutisiassanullu tapiiffingineqartarluni.

Ingerlatseqatigiiffiup qullersaanut akissarsiaqartitsineq qaffasissutsimut katitigaanermullu tunngatillugu atorfinnut sanilliussissutigineqarsinhaasunut annertuumik akisussaaffeqarfiusunut naleqqiullugit naammaginartumik pilerinassuseqassapput. Aningaasarsiat aalajangersarneqassapput ingerlatseqatigiiffiup pisortaniit pigineqartutut inisisimaneranut naapertuuttumik. KNI Namminersorlutik Oqartussanit pigineqartutut akissarsiatigut siuttuussanngilaq.

Akissarsiaqartitsineq ersarissunngorlugu sapinngisamillu pisariitsunngorlugu aaqqissuunneqassaaq, ingerlatseqatigiiffiullu soqtigisaanut naapertuuttunngortinneqarnissaanik qulakkeerinnilluni. Qullersaq angusat aallaavigalugit immikkut ajunngitsorsiassaqartinneqassanngilaq.

Qullersap aalajangersimasumik akissarsiai, isumaqatigiissut naapertorlugu, ukiumut naatsorsuutit naammassinerisa kingorna ukiut tamaasa naliliiffingineqartassapput.

3.4. Allatigut kajujuummissutsit

Akissarsiat pillugit ukumoortumik oqaloqatiginninnermut atatillugu, pisortaanerup naliliineratigut KNI-mi atorfillit, matumanii pisortat ilanngullugit, suliaannut naapertuuttumik bonusisiaqartinneqarsinhaapput, annerpaamik qaammammut akissarsiassat amerlaqataannik. Bonusi ataasiartumik ajunngitsorsiatut tunniunneqartassaaq.

Pisortanut ataasiakkaanut bonusisitsinerit, qaammammullu akissarsiaqartitsinermi aningaasarsiaanit anneruppat, pisortaaneq immikkut illuinnartumik Akissarsiat pillugit ataatsimiitaliamut

innersuussuteqarsinnaavoq.

Akissarsiat pillugit ataatsimiitaliaq qaammatit pingasukkaarlugit pisortatut atorfilinnut bonusisitsinerit pillugit ilisimatinneqartassaaq – sunalu pissutaanersoq ilisimatinneqartassalluni - ingerlateqatigiiffimmi nalinginnaasumik aningaasarsianut siunnersuut ilanngunneqartassalluni.

Immikkut ittunik isumaqatigiissutinik akuersissuteqarneq:

Nalinginnaasumik isumaqatigiissutinit atuuttunit isumaqatigiissutit annertuumik nikingasut Akissarsiat pillugit ataatsimiitaliamit suliarineqarsimasumit ataatsimiitaliap akuersissutigisassavai, assersuutigalugu pisortanut qullersaqarfimmik qaninnertut pisortaaffigineqartunut appasinnerpaamik akissarsiassanit qaffasinnerusinnaasut akuersissutigisassallugit.

3.5. Atorfimmiit soraarneq

Qaammatit aqqaneq-marluk siumut nalunaaruteqarnermigut KNI A/S qullersamik soraarsitsisinnaavoq. Qullersaq qaammaatinik pingasunik siumut nalunaaruteqarnikkut, atorfimminit tunuarniuteqarsinnaavoq. KNI tunuarnermi ajunngitsorsiaqartitsineq ajorpoq.